

董朝相

明萬曆時人以恩貢爲臨清州訓導光風霽月襟懷澹若賦詩飲酒餘無所知所著有澹齋錄行世

李蕃

萬曆年貢生司鐸臨潼授諸生禮經綜括高堂曲臺之義融通大戴小戴之文至今傳之

高攀蟾

亦萬曆時人任寧陽訓導陞湯陰教諭愷弟作人一時振奮而興者有滿城桃李之譽著作頗多有集傳

趙城縣志

卷之十七

人物儒林

二

世

高濟美

萬曆乙卯中副車舊志稱其德優學富士林翹楚文衡皆器重之數奇不偶時人惜其宏抱云

王思聖

國朝順治五年貢生以遼州學正致告孝友文章累舉不就儒林宗之松若氏贊其猗與先生殖德而良淩雲製賦迤邐名場鐸音警士綿山太行其始蓋介休博士也

羅雲里人德行文學兼有其長順治年間脩文廟爲司事四載勤勞始終如一前邑令安公有功著泗水之贈云

郭發元

顯龍

別紀載發元字聖思癸卯舉於鄉性耿介不關世俗事至友所見治事嚴重尚威力勸之弗聽嘆曰寧韋緩母弦急黔首吾赤子柰何任情而治乎去之在邑中若寒素徒步城市不見守令品望甚高子顯龍由拔貢中鄉榜授代州學正篤實輝光士風丕變松若氏曰閔貢不以口腹累安邑人亟稱之然所惜物力耳視先生恐傷百姓何如乎望望然去可以見其他日牧民而治矣

王業建

式祐

式烈

康熙二十九年以歲貢舉鄉飲大賓恬靜老成溫文爾雅不汲汲於富貴不戚戚於貧賤別紀曰余蒞趙城未嘗一至招而見之後竟匿其影窮巷語有之周之士貴王生得之矣子式祐以博士弟子員舉鄉飲介賓廉介忍讓在學六十餘載足跡不履公庭躬行

實踐孝友睦婣任卹體備靡遺享壽九十一歲弟式烈以歲貢生舉鄉飲大賓重氣節性任達奮志躬脩潛心理學教六子俱有文名剛正嚴凝學者宗之當事稱其世德濟美焉

張寅樞

歲貢生文章品行高絕一時司鐸懷仁士風丕振與閻襄泰王萬年有三儒之號勒石齋宮

王萬年

康熙戊子以五經登榜任長治縣教諭雅意作人與

趙城縣志

卷之十七

人物儒林

五

張寅樞閻襄泰稱邑三儒

閻襄泰

趙州先生四子齋廩生員文名冠三晉又工書法稱文苑焉與張寅樞王萬年稱邑三儒

賈漢勳

歲貢生篤志好學不驚寵辱善草書長記序有右軍柳州風味遺文遺字人珍重之學宮祭器學田南北關分定水利簡子相如里墓各碑記皆其手書

張允中

邑庠生品行端方好讀書寒暑不輟文章入古不競時流以耐庵自名解施推與不勝書生八子皆令器以長聰官荷

覃恩救贈修職郎

衛廷

康熙甲午經魁任介休縣教諭立心狷介動必以禮諸生以理學宗之

郭崇

歲貢生發元孫也任黎城訓導敬承世德孝友垂型

趙城縣志

卷之十七

人物儒林

六

司鐸時飭躬勵士大振文風在其門墻登賢書者數輩後調潞城解組歸林下高風羽儀可表屢舉鄉飲

大賓

張聰

雍正六年選拔任襄垣教諭恬澹無營讀書不慕榮利司鐸歸蕭然城巷如在山林長吏之門未之過也士大夫咸推重之

王嘉言

歲貢生任崞縣訓導式烈之長子也立心制行恪守

乃祖乃父儀型現居教職講明經義久而不倦臺衡器之

申庶 中一

歲貢生品第清華文章高貴縹緗滿架手自評衡長垣夏公贈聯云高縱雅著澹臺節碩望羣推司馬才尤見契於東武翰林蘇公每榜發嘆曰此人此文不獲第真數奇也事繼母處兄弟有汝南薛辟之風子中一文行優長庠中稱最歲已卯余延爲西賓課幼子簡重沉默恂恂如不及而度量莫越焉此其家學

趙城縣志

卷之十七

人物儒林

七

槩可知矣

張明

康熙丁酉科舉於鄉爲雲南恩樂令恬靜寡欲文章自娛解組歸恣以其資給其弟蕭然環堵餽粥不繼晏如也

劉臺

雍正乙卯舉於鄉爲湖南寧鄉令清德自凜不隨俗轉移退歸林下吟風弄月奉文徵取恬澹如素主夢熊

乾隆辛酉舉於鄉文有古澤學不趨時爲邑書院掌教樂育羣英一時稱盛

申中嘉

歲貢生德優學富恬澹無營生平手不釋卷邑中士夫以理學推之

李實

乾隆十五年恩選文品醇雅恬養蕭寺中絕跡器塵教育人才皆能敦本力行壽登八十五歲猶好學不倦儒林共宗仰之

趙城縣志

卷之十七

人物儒林

八

閻烜

由選拔任雲南藩庫大使文章品行見重上游卓陞新平令和平豈第士民爭戴

衛鈞

歲貢生文品優長老成持重重脩尊經閣董葺學宮勤勞懋著邑人賢之

高蓬山

邑庠生孝友真純恬澹嗜古研耕養親珍膳無闕弟子遊其門者多雋聲焉

申世昌

歲貢生博通經史孝友儀型爲時推重

申中瑾

邑庠生躬行實踐恪守典型邑人製錦以表懿行

王鳳徵

邑庠生仗義好施和光善俗與人同德之意若將不及邑人師之

王庠

邑庠生培植本支人才樂育鄉黨成矜式焉

趙城縣志

卷之十七

人物儒林

九

王諮

邑庠生孜孜力學一息罔懈行年七十有五書院會課必至而執弟子禮甚恭真三代士也

賈翰翼

歲貢生博聞強識文行兼優孝友垂型英才樂育時共仰爲理學先生

衛樹譽

邑庠生孝友文章廉靜寡欲儒林雅望也

續嘉謨

歲貢生端方正直我見絕無文章師古不趨時俗文宗多優獎焉享壽八十歲

李朝棟

邑庠生學有淵源家惟孝友澹然儒素士林推之現舉鄉飲介賓以副羣望

李呈香

由選拔任商印主簿善詩賦工文章文采風流紆徐卓犖

衛鳳池

趙城縣志

卷之十七

人物儒林

十

邑生之雋也博通經史氣度靜深庶幾澄不清淆不濁每與論文比之黃叔度云

湯元龍

亦邑生之雋也世德清華文心獨秀大有南漳先生之風吾以比之徐孺子云

郭靖邦

世有清德爲邑諸生工書法長詩歌著有槐蔭詩草前令李公趙公咸推重之

張忬

鄉飲大賓上舍行敏張君之次子少年英邁文行見
譽於前輩予甚器之正月入學率見掌教不數日而
驚聞其訃往唁焉慟之爲文以弔曰嗚呼張生藍田
玉英孝友世濟鬢序蜚聲篇連月露字綴珠瓔期昂
霄以聳壑會一鳴而羣驚矧盛德之有後豈天道之
無情柰數朝之寒感傷蕙草之無榮赤虬俱駕白鳳
空成月犯少微之舍人歸石曼之城赴玉樓其何遽
吹蒿里以將迎知得修文於地下以慰茲堂上之先
生嗚呼適編人物儒林志之以見予意

趙城縣志

卷之十七

人物儒林

十一

王萬受

德優學富以歲貢爲興縣訓導正躬率士大振文風
當事賢之

高旌說

文行優長選興縣訓導不赴任優游林水以養高風
壽登八十餘儒林將梓竣邑生高壘補報以上二人
故以先哲後時賢也

王廷詩

上舍生孝友持躬動必以禮世有令名儀型勿美居

恒以忠厚爲家訓與世交遊光風霽月雖拂意情恕
理遣其他睦婣任卹鄉鄰嘖嘖稱之蓋篤行之儒也
李逢源

增廣生員禔躬孝弟博雅多能培植後生孳孳恐失
不受名韉登高攬勝吟詠最多士林之高品也
楊楚麟

拔貢生文章推重一時行誼篤實孝友克家邑侯敬
仰其德雖延見不一造焉時論高之嗣聞其母張氏
賢孝義方前令王公有一邑女宗之贈故知有是母

趙城縣志

卷之十七

人物儒林

十三

有是子也

王作極

府學生員現年七十歲在邑中爲最好學之士不特
出負耒入橫經亦且右執鎌左持卷今來書院執贄
拜先生朝暮洒掃學舍其子三十餘歲時來問視足
見生平矣書之以示勸焉

衛境

邑庠生歲貢生樹極之子廩膳生景瑗之父也孝友
持躬文章嗜古脩辭立誠敦行不怠鄉飲酒禮舉介

賓邑人賢之

劉澤溥

廩膳生生員劉祚光子宅躬孝友品第清華文章師古著述咸推子爲棟在庠厥聲甚雋儒林重之

劉高第

齋廩生員文章服古品詣過人孝友傳家經書濟美子鳶列成均姪鵬食廩餼孫佩智亦入膠庠雖近城市如在山林今年逾七秩猶孳孳好學士林推重焉

賈景誼

趙城縣志

卷之十七 人物儒林

十三

邑之選拔也弟子員時屢試冠軍文章推重一時天性孝友父老失明承歡左右斯瀕無間現今年過六旬手不釋卷凡有制作具見性天後學師之

高寧遠

桂林坊人食餼府庠淡泊寡營寧靜自喜文章不趨時尚樂志常在林泉研圃娛親不知街市時論賢之

人物志八

高藝

藝者道德之緒餘周公多才多藝孔子曰游於藝舉

其大而言之則制禮作樂藝也以之治天下而有餘
不忽其細而言之則執射執御藝也以之高天下而
亦無不足然聖人不可學而能後世片長薄伎亦有
專家子孫紹厥箕裘亦見良工心法則高藝固當志
矣

造父

周繆王時造父取驥之乘匹與桃林盜驪驂騮綠耳
獻之繆王繆王使造父御西巡狩見西王母與西王
母觴於瑤池之上作歌忘歸初徐君宮人娠生卵以

趙城縣志

卷之十七

人物高藝

十四

爲不詳棄於水濱孤獨母有犬名鵠蒼銜所棄卵歸
覆暖之遂成小兒故宮人聞之更救養之及長襲爲
徐君名偃王偃王以繆王馳驅萬里外度不能卽歸
至是反繆王聞之倉皇甚造父曰馳千里御繆王歸
攻偃王大破之乃賜造父以趙城

趙史援

晉趙盾夢見叔帶持要而哭甚悲已而笑拊手且歌
盾卜之兆絕而後好趙史援占之曰此夢甚惡非君
之身乃君之子然亦君之咎至孫趙將世益衰至朔

果有屠岸賈下宮之難詳見世家

扁鵲

趙簡子疾五日不知人大夫皆懼扁鵲視之出董安于問扁鵲曰血脉治也而何怪昔秦繆公嘗如此七日而寤寤之日告公孫枝與子輿曰我之帝所甚樂吾所以久者適所學也帝告我晉國將大亂五世不安其後將霸未老而死霸者之子且令而國男女無別公孫枝書而藏之秦讖於是出矣獻公之亂文公之霸而襄公敗秦師於殽而歸縱淫此子之所聞今

主君之疾與之同不出三日疾必間間必有言也居二日半簡子寤語大夫曰我之帝所甚樂與百神游於鈞天廣樂九奏萬舞不類三代之樂其聲動人心有一熊來援我帝命我射之中熊熊死又有一羆來我又射之中羆羆死帝甚喜賜我二笥皆有副吾見兒在帝側帝屬我一翟犬曰及而子之壯也以賜之帝告我晉國且世衰七世而亡嬴姓將大敗周人於范魁之西而亦不能可也今余思虞舜之勲適余將以其胄女孟姚配而七世之孫董安于受言而書藏

之以扁鵲言告簡子簡子賜扁鵲田四萬畝

姑布子卿

姑布子卿相者也見趙簡子簡子徧召諸子相之子卿曰無爲將軍者簡子曰趙氏其滅乎子卿曰吾嘗見一子於路殆君之子也簡子召子母卹母卹至則子卿起曰此真將軍矣簡子曰此其母賤翟婢也奚道貴哉子卿曰天所授雖賤必貴自是之後簡子盡召諸子與語母卹最賢竟以母卹爲太子

史趙史墨史龜

趙城縣志

卷之十七

人物高藝

十六

晉史官宋公伐鄭趙鞅卜救鄭遇水遇火占之諸史史趙史墨史龜曰是謂沉陽可以興兵利以伐姜不利子商伐齊則可敵宋不吉史墨曰盈水名也子水位也名位敵不可干也火帝爲火師姜姓其後也水勝火伐姜則可史趙曰鄭方有罪救鄭則不吉不知其他乃止

王良

晉大夫善御詳見名臣

吾卹壽王

通志稱吾邱壽王趙人年少以善格五名待詔仕至
大中大夫查通鑑漢武帝建元三年詔選天下文學
材智之士待以不次之位四方上書言得失自眩鬻
者以千數上簡拔其俊異者寵用之莊助最先進後
又得吳人朱買臣趙人吾邱壽王蜀人司馬相如平
原東方朔吳人枚臯濟南終軍等並在左右每令與
大臣辯論中外相應以義理之文大臣數屈焉然相
如特以辭賦得幸朔臯不根持論詼諧上以優俳畜
之數人各有所見惟吾邱壽王不加品題所云格五
亦戲具耳後漢梁冀傳能挽滿彈棊格五六博蹴鞠
意錢之戲第云趙人則不見於人物若在鄆邳趙地
則不轄於晉省今姑闕疑而書之焉

田忠良

字正卿金亡僑中山通儒家雜家言嘗識太保劉秉
忠於微時秉忠薦之元世祖視其狀貌曰是雖以陰
陽家進必將爲國用俄指西序第二人曰彼手中握
何物曰雞卵視之果然又曰朕有事縈心曰當是一
名僧病耳上曰然國師也命秉忠試星歷遁甲諸書

諸生皆罕及詔授太史官上曰朕用兵襄樊累年不
決對曰在酉年矣至元十一年元帥阿里海牙請益
兵十萬渡江上密問曰汝試筮之濟否曰濟上御幄
殿曰今拜一大將取江南朕心已定果何人耶忠良
環視左右目一人曰是偉丈夫可屬大事上笑曰此
伯顏也七月十五夜白氣貫三台曰三公其亡乎尋
劉秉忠卒上獵御林駐輦曰朕有所遺曰其數珠乎
明日二十里外當有持之來獻者已而果然上問南
征將士能渡江否忠良曰明年正月當奏捷至期果

趙城縣志

卷之十七

人物高藝

六

取鄂州嘗以遠和問曰聖體行自安矣閱月愈賜金
五百兩與丞相和禮霍孫視山陵俄叛兵圍三匝忠
良引衆夜歸敵殊不覺和禮霍孫以爲神上賜黃金
千兩皇子北平王那木罕丞相安童征海都奏曰不
吉及諸王昔里吉劫入海都命忠良致禱曰無庸皇
子未年當還後果然駕駐龍興北奏曰宿衛士日食
一瓜豈能克饑上俾均其食汴梁河清三百里上曰
憲宗生河清朕生又河清今河復清何耶曰應在皇
太子命爲太常丞少府爲諸王昌童建宅忠良仆其

柱曰太廟前豈諸王建宅所耶上曰卿言是也又曰太廟前無馳道非禮也卽敕闢道或請太廟牲不用牛忠良曰梁武帝用麩爲犧牲後何如耶將征日本奏曰海隅何足勞天戈不聽武宗初進司徒奏冬至祀天請以太祖配夏至祀地請以世祖配制可皇慶初卒封趙國公謚忠獻

賈王翰

別紀云裒衣中之朴而文者多技能精書畫每共余西園爲之贊曰貌瞿瞿步徐徐荆關董巨括帖之餘

趙城縣志

卷之十七

人物高藝

九

振林長嘯越鳥吳歛曠懷蕩蕩逸調離離

賈漢勳

國朝康熙年間邑諸生嗣歲升上舍人品清雅精於書法更工繇體其墨蹟傳者爭寶貴之

藏經僧

上廣勝寺飛虹塔下有奉誦藏經僧年五十餘云自縣山方丈來晝夜香花供奉明燈禪誦掩卷則滌研洒筆作天龍八部阿羅漢諸天仙女相於浮圖八面細膩精工神采奕奕蓋龍眠白描格也其讚語偈語

是禪非禪新標飛動大似六朝人筆數招之不來亦
不著名氏是可參一座者也故書之